

Ղեկտենքերի 18-ին ելույթ ունենալով Ռուսաստանի Դաշնային խորհրդում, Ռուսաստանի ԱԳ նախարար Սերգեյ Լավրովը, անդրադառնալով Վրաստանի հետ հարաբերությունների հարցին, հայտարարեց, որ Ռուսաստանը պատրաստ չէ Վրաստանի քաղաքացիների համար չեղյալ հայտարարել այցեգրերը, բայց հանդես է գալիս հումանիտար կապերի զարգացման օգտին:

«Մենք հանդես ենք գալիս հոգուտ այն բանի, որ մարդկանց միջև շփումները շարունակվեն: Մենք առայժմ պատրաստ չենք անցնելու անայցեգիր ռեժիմի, բայց մենք էապես ազատականացրել ենք այցեգրերի տրամադրման ընթացակարգը, հատկապես այն այցեգրերի, որոնք պահանջվում են հումանիտար ուղեւորությունների, ազգականներին այցելելու, մշակութային եւ երիտասարդական փոխանակումների համար», - հայտարարել էր ՌԴ ԱԳ նախարարը:

Սակայն, արդեն ղեկտենքերի 19-ին, Մոսկվայում անցկացված մամուլ ասուլիսին Ռուսաստանի նախագահ Վլադիմիր Պուտինը, փաստորեն հերքեց Լավրովի ասածը եւ՝ ի պատասխան Վրաստանի հետ հարաբերությունների նկատմամբ վերաբերմունքի հարցին, հայտարարեց, որ Վրաստանում կատարված իշխանափոխությունից հետո իր վերաբերմունքը այդ երկրի ղեկավարության նկատմամբ փոխվել է, իսկ վրաց ժողովրդին նա միշտ էլ լավ է վերաբերվել, ապա հավելեց, որ Ռուսաստանը չի կարող հաշվի չնստել 2008 թվականի պատերազմից հետո ստեղծված իրականության հետ, բայց տեսնում է Վրաստանի ղեկավարության ազդանշանները: Պետության ղեկավարը չի բացառել, որ Ռուսաստանը կարող է վերադառնալ Վրաստանի հետ անայցեգիր ռեժիմին: «Դա լավ քայլ կլիներ երկրների միջև հարաբերությունների նորմալացման ուղղությամբ», - հայտարարեց Վլադիմիր Պուտինը:

Վրաստանի վարչապետ Իրակլի Դարիբաշվիլին, արձագանքելով ՌԴ նախագահի՝ Վրաստանի հետ անայցեգրային պայմանակարգի հաստատման վերաբերյալ հայտարարությանը, նշեց, որ այն դրական ազդեցություն կգործի երկու երկրների հարաբերությունների վրա: «Վրաստանի հետ հարաբերությունների բարելավմանն ուղղված Ռուսաստանի նախագահի պատրաստակամությունը դրական են գնահատում եւ գտնում են, որ Ռուսաստանի եւ Վրաստանի միջև, վրացական կողմի նախաձեռնությամբ անցյալ տարի սկսված անմիջական երկխոսությունը արդեն գործնական արդյունքներ է տալիս», - ասաց Վրաստանի վարչապետը:

Նա ընդգծեց, որ Թբիլիսին մտադիր է շարունակել այդ երկխոսությունը եւ «քայլ առ քայլ մոտենալ բարդ ու նրբանկատ հիմնախնդիրների կարգավորմանը»:

Ավելի վաղ, Վրաստանի նախագահ Գիորգի Մարգվելաշվիլին հայտարարեց, որ Վրաստանն «ամեն ինչ կանի Ռուսաստանի հետ հարաբերություններում լարվածությունը թուլացնելու համար»:

«ՌԴ-ի հետ հարաբերություններում լարվածությունը թուլացնելու համար մենք ակտիվ քայլեր ենք ձեռնարկել եւ բոլոր ուղղություններով կշարունակենք ջանքերը այդ նպատակին հասնելու համար», - ասաց նա: Վրաստանի նախագահը կարելուք էր այն, որ «այս տարի հաջողվեց զգալի արդյունքների հասնել Ռուսաստանի Դաշնության հետ առեւտրատնտեսական ու մշակութային հարաբերությունների վերականգնման ու զարգացման գործընթացում»:

Երկու օր առաջ Վ.Պուտինի հայտարարությունից հետո, Լավրովի տեղակալ Գրիգորի Կարասինը, արդեն երեկ՝ ղեկտենքերի 20-ին, հայտարարեց, որ հաջորդ տարվա սկզբին Վրաստանի վարչապետի հատուկ ներկայացուցիչ Զուրաբ Աբաշիձեի հետ կքննարկեն

Ռուսաստանի եւ Վրաստանի միջեւ անայցեգրային պայմանագրի հաստատման հարցը: